



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Gaudium Orbis Universi. Sive Lætitia Generis Humani.
Augustissima Cælestium, Terrestrium, & Infernorum
Regina, Deipara Virgo, Maria, Ex Qua Per Benedictum
Fructum Ventris Ejus Post tot Myriades ...**

Schmucker, Mathias

Glacii, 1689

Laurus Mariana, Sive Litanix Lauretanae Magnæ Cælorum Terrarúmque
Reginæ Paraphrastico Versu cantatæ.

urn:nbn:de:hbz:466:1-38142

PARS SECUNDA.

LAURUS MARIANA,

Sive

LITANIÆ LAURETANÆ

Magnæ Cælorum Terrarúmque

REGINÆ

Paraphrastico Versu

cantatæ.

1.

Hate cæli fornices,
Et ære fusa moles,
Laxate claustra Cælites,
Et cardines Polorum,
Ut missa mentis Spicula
Cordis vibrata nervo,
Ad numinis Clementiam
Submissa dirigantur.

Job. 37.

2.

Effasciate nubila,
Cauri, Notique nubes,
Pateant revullis sidera
Zonisque vinculisque,
Eliberatæ fumeis
Tentoriis theatra,

G

Puri-

Purique scenas ætheris,
Altique vela ponti.

3.
Mens ardet in sublimia,
Ceu turtur evolare,
Ut altior licentiùs
Evecta libret alas,
Terris relictis fidera
Ut tranet, & salutet
Magnæ Parentis Regiam,
Et purpuram *Mariae*.

Psal. 57.

Pater de caelis Deus, &c.

KYRIE ELEISON,

4.
Divi favete supplici,
Votisque deprecantis,
Æternitatis, Principes
Attollitote portas,
Vestras fores attollite
Patulcÿ Tribuni!
Stat vota ferre Virgini,
Cantare stat, *MARIÆ*.

ETC:

5.
Audimur! Æthræ nubila
Se dividunt, paténtque
Almæ Sionis Pergama
Beatitatis Arces,
Arces Pyropis splendidæ,
Auróque fulgurantes
Magni tribunal Numinis
Sedes, Thronique Divûm,

6.

6.

*Pater! Creator omnium,
Natus, Redemptor Orbis!
Et Charitas quæ Numen est,
A Patre, Filioque
Utróque procedens Deus,
Trias, Deus, ter Unus,
Et Virgo, se spectabilem
Pandit, MARIA, seruo.*

7.

*Aures benignas Exuli
Votisque commodate,
Vestri miserti servuli
Culpasque deprecantis,
Thronum petentis gloriæ,
Veniamque, gratiamque,
At Virgo, Te, præ cæteris
Vocem canentis, audi!*

8.

*Quamvis cicada veriùs
Culéxque credar esse,
Tuas MARIA bombilans
Laudésque, gloriámque,
Quàm dulcis oris Daulias,
Campique alauda Siren,
Tuum tamen ne spreveris
Culicem MARIA Vatem.*

9.

*O Virgo! cujus sanctitas,
Virtutis altitudo,*

G 2

Cæli

Sancta MARIA.

Cæli theatra transfilit,
Terræque vastitatem!
Quidquid Deus non dicitur,
Aut Numen æquat ullum,
His omnibus sublimior
Levata stat MARIA.

10.

Sancta Dei Genitrix,

*Nati Parens Altissimi
Genitrixque Sancta Verbi,
Solutus, quod UNUM protulit
Semel Deus locutus,
Æternus in vastissima
Æternitate VERBUM,
Hoc, carne virgo vestit
Hominis, Dei que Mater.*

11.

Sancta Virgo Virginum.

Augusta Princeps Virginum,
Chori choraga casti,
Agnum sequentis candidum, Apocal:
Lactis liquore lotum,
Qui pastus inter lilia Cant:
Formosior ligustris,
Cantantis illud canticum Apocal:
Quod sola Virgo, novit.

12.

Mater

*Mater (quid hac augustius
Est vo. e, sanctiusque?)
Mater (Deus quâ pulcrius
Nihil creavit usquam!)*

Mater (suam sic Filius
Dei, vocat columbam)
Regis, Deique Maxima
Christique Virgo MATER!

13.

Fœcunda Mater Gratia,
Et fons benignitatis,
Cujus pluit de dextera
Ros aureus honorum,
Cælestium vis munerum
Pleno scaturit alvæo,
Felice cornu copiae
Suos beans Clientes.

14.

Mater Pudoris integri,
Et gemma puritatis,
Integritatis Liliū,
Corona Castitatis,
Intacta nix, quam nulla pix
Serpentis inquinavit,
Serena Lux, quam nulla nox,
Nec nubilavit umbra.

15.

Amabilis, mirabilis
Matérque Conditoris,
Quem, qui salutis Author est,
Mundique Rex Redempti,
Maria Virgo mensibus
Prægnans Deo novenis

G 3

Orbit

OH
40

Christi.

Mater Divinae Gratiae.

Mater Purissima, Castis-
sima, Inviolata, Inte-
mperata.

Mater Amabilis, Ad-
mirabilis, Creato-
ris, Salvatoris.

Orbi dedit: *Væ corrigens,*
Marrisque Nomen Evæ,

16.

Prudentium Dux Virginum
Ad nuptiale sponsi
Penetrare præstolantium
Ardentibus lucernis;
Quam Ter verendam prædicant
Et mille prædicandam
Encomiis & laudibus
Colunt, canuntq; Nympham,

Matth 14

17.

Sceptrum premit quod dextera,
Quam fronte fert coronam,
Illius est potentia,
Et Imperii character,
Quo fulminantem Numinis,
Potest tenere Virgam,
In æviternos supplicum
Ne colla mergat ignes,

18.

Potentiam, Clementia
Passis salutat ulnis,
Hac Virgo Clemens prodigos
Amplectitur Clientes,
Opemque nulli subtrahit
Fidelis invocatam,
In morte præbens dexteram
Navifragis patronam.

Virgo Prudentissima,
Virgo Veneranda,
Virgo Prædicanda,

Virgo Potens,

Virgo Clemens, Virgo
Fidelis,

Speculum virtutis, Sc-

Castra virtutis: Letitiae.

Vas spirituale: Vas Ho-
norabile: Vas insignis
Devotionis.

19.

19.

Crystallus illa fūris est
In qua refracta formam
Astræ cernit, vitreo
Censoriam metallo:
Sedes reclinis illius
Est, quæ super Sophorum
Intelligit prudentiam,
Sapientiam, salémque.

20.

Questus, dolores, lacrimæ,
Hæc imperante cessant,
Est illa nostri gaudij
Origo, causa, sidus,
Fecunditatis publicæ,
Communis & triumphî,
Caliginémque mentium
Gementium serenat.

21.

Insigne Vas, quo conditur
Devotionis aurum,
Auri fluentis Spiritus,
Liquidæque vita gemmæ,
Et margaritæ sobiles,
Nardique, Cinnamique,
Animæque dulcis balsami,
Sanctique planta floris.

22.

Vas illud est, & cymbium
Dio liquore plenum,

G 4

Quo

OH
+ 10

Speculum Iustitiæ, Sc-
des Sapientiæ.

Causa nostræ Latitiæ.

Vas Spirituale. Vas Ho-
norabile. Vas Insigne
Devotionis.

Quo nectar illud calicum
 Orbi Deus propinat,
 Vinumque castum germinans Zach: 4.
 Quod Virginum pudorem;
Vas aureum, vas gemmeum
Honoris & Decoris,

Rosa Myffica.

23.
 MARIA Tempe florida,
 Hymettus est MARIA,
 Est Hortus aurâ pensilis
 Dei manu libratus,
 Est omnium compendium
 Florumque pulcritudo,
Rosariumque mysticum,
Et suavitas Rosarum,

Turris Davidica.

24.
 Jessea Turris Regio
 Circum decora cultu,
 Quam signa cingunt bellica
 Vexilla, scuta, peltæ, Cant: 4.
 Et omne robur fortium
 Fuso rigens metallo,
 Chalybèque fulgens Martio,
 Lorica, Cassis, hasta,

Turris

25.
 Eburna Turris aureis
 Fastigiata pinnis,
 Stat firma, nullis hostium
 Eliminanda turmis,

Eburnea.

Domus Aurea.

Federis Arca.

Janna Cæli.

Elephante belli machinæ,
Et cardines rotantur,
Elephante propugnacula,
Et valla fulciuntur.

26.

Domus (quid illa pulcrius?)
Dei Domus, Thronusque,
Septem columnis Regia
Subnixa fulget auro,
Auro coruscant atria,
Lacunar ardet *auro.*
Et fornices, & porticus,
Xistisque lucet *auro.*

Proverb: 9.

27.

Qui bella movit Numini
Cælo rebellis Hostis,
Fœdusque, culpæ pœnitens
Firmum, ratumque sancit,
Hanc tangat *Arcam Fœderis,*
Templique Pacis Aram,
Hæc porriget Chirographum
Et gratiæ, & salutis.

28.

Primi Parentis obice
Cæli obserata *Parta,*
Pandenda nulli, ferreo
Oppellulata veete,
Suos resolvit cardines,
Serâsque, pessulósque,

G 5

Cũ

Eburnea

Domus Aurca

Fœderis Arcæ

Janna Cæli

OH
+

Cum facta Cæli Janua
Mortalibus MARIA.

29.

Cum Noctis horror ingruit
(Caligo densa culpæ)
Qui lumen Orbi sustulit,
Solémque gratiarum,
Hæc in tenebris *Phosphorus*
(*Lucis Parens*) serenat,
Abominandam mentium
Eoa Stella Noctem.

30.

Quæcumque tabes corporum
Sparso furit veneno,
Artusque dirus inquinat
Langvor, dolorque morbi,
Fugit *medente Virgine*
Vis omnis ægrientum,
Quæ robur est languentium,
Salusque sanitarum.

31.

Hæc Prodigorum Mater est
Miserta Filiorum,
Clemens Asylum supplicum,
Vas, Ara, Spes, Reorum,
Quæ pœnitentes obviis
Amplèctitur lacertis,
Criménque deprecantibus
Pandit salutis ulnas.

Stella Matutina.

Salus Infirmorum.

Refugium Peccatorum.

Consolatrix afflictorum. Auxilium Christianorum.

Regina

21

32.

Quos lugubris nec effitas
 Angit, premítque luctus,
 Pressúmque pectus obsidet
 Exercitus dolorum,
 Et mille se perieula,
 Mortésque mille miscent,
Hos replet hæc solatiis,
 Nubésque mentis arcet.

33.

Ad luctuosa classicum
 Si clangat arma Ditis,
 Lunásque Pallas Thracia
 Terrâ, marique vibret,
 Ferro Tyranni sæviant,
 Et hærefes veneno,
Hæc una Mater, Auxili
Par præstat Una, cunctis,

34.

Hæc Christianis dexteram,
 Hæc porrigit sinistram,
 Arcet procul pericula,
 Animæque, Corporisque,
 Clypeata stat succurrere
 Clientulis amazon,
 Invieta sævos cædere
 armata Pallas hostes.

35.

Huic pronus æther supplicat,
 Dominæque servit uni,

Huic

Consolatus afflictorum. Auxilium Christianorum.

Regina

OH
 40

Angelorum.

Huic Astra curvant poplites
Sol, Luna, Signa, Stellæ,
Huic Spiritus (quæ celsior
Choris stat Angelorum,)
Famulantur, & huic concinunt,
Regina nostra Salvæ.

36.

Regina Patriarcharum.

Regina: sic Abramidæ,
Avita Stirps Avorum,
Isacidæ, Jacobidæ
Propago sancta Neptem
Suam colunt, & Fliam
Proavi Patrum Parentes
(Decus suum) deprædicant
Gens sacra, Patriarchæ.

37.

Prophetarum. Apo-
stolorum. Martyrum.

Regina: Sic Te Numinis
Interpretes Prophetæ;
Mundi Bases Apostoli,
Sic Martyrum triumphis;
Sic Exedrae, sic Pulpita
Virtutis, & Magistri,
Sic Liliata Virginum,
Divûmque turba cantat.

38.

Confessorum.
Virginum.

Sic omnium præconio,
Cælestiûmque cultu,
Regina Cæli diceris,
Et Orbis Imperatrix,

Cui Regna, fasces, purpuræ,
Cui sceptræ, cui coronæ,
Omnisque vertex flectitur,
Cervixque subjugatur.

39.

Tantæ Parentis filius,
Et victima, & sacerdos,
Agnus ferens piacula,
Reique probra Mundi,
Parce Innocens, nocentibus,
Audique deprecantes.
Miserere Lacrimantium,
Fatentiumque culpas.

40.

Per Te Parens Clementiæ
Mitescit Ira Nati,
Patrisq; dextra vindicis
Ponet severa fulmen,
Suasque (Numen Charitas)
Orbi pluet favillas,
Ut vera MATER GRATIÆ
Sis omnibus MARIA.

Obfer-

SS. Omnium.

Agnus Dei qui tollis
peccata mundi.

parce nobis Domine,
Sec.